

PELANJUTAN TEMPOH PENGGAJIAN PEKERJA ASING YANG MEMEGANG PAS LAWATAN KERJA SEMENTARA (PLKS) DI DALAM PROGRAM REHIRING

KENYATAAN MEDIA

JABATAN IMIGRESEN MALAYSIA

10 JAMADILAWAL 1443 HIJRAH / 15 DISEMBER 2021

PELANJUTAN TEMPOH PENGGAJIAN PEKERJA ASING YANG MEMEGANG PAS LAWATAN KERJA SEMENTARA (PLKS) DI DALAM PROGRAM REHIRING

Program Rehiring merupakan inisiatif Kerajaan yang dilaksanakan pada tahun 2016 bertujuan untuk memberi peluang kepada PATI yang bekerja di Malaysia untuk diberikan Pas Lawatan Kerja Sementara (PLKS) yang sah untuk tempoh maksimum lima tahun bagi memenuhi keperluan tenaga kerja di sektor-sektor yang dibenarkan.

Sehingga 30 November 2021, Jabatan Imigresen Malaysia (JIM) merekodkan 185,577 PLKS Program Rehiring yang masih aktif. Mengambil kira pelaksanaan Program Rehiring mulai tahun 2016, PLKS yang sah laku untuk tempoh lima tahun bagi Program ini akan tamat secara berfasa mulai tahun 2021 sehingga tahun 2024.

Dalam perkara ini, bagi mengelakkan para majikan terputus sumber tenaga kerja terutama dalam sektor pekerjaan 3D (dirty, difficult dan dangerous) Kerajaan pada 19 November 2021 telah bersetuju agar tempoh pengajian pemegang PLKS bagi Program Rehiring dilanjutkan setahun demi setahun sehingga maksimum lima tahun tertakluk kepada keperluan.

Sehubungan dengan itu, JIM ingin mengumumkan bahawa permohonan pelanjutan PLKS bagi Program Rehiring akan dibuka mulai 20 Disember 2021.

Berikut merupakan perkara-perkara utama yang perlu diberi perhatian oleh majikan yang menggaji pekerja di bawah Program Rehiring:

- i. Pekerja dan majikan tidak melanggar apa-apa syarat pas yang dikeluarkan semasa pengajian di bawah Program Rehiring;
- ii. Pekerja yang telah disenaraihitam adalah tidak layak untuk memohon lanjutan;
- iii. Pekerja tidak boleh bertukar majikan atau sektor, kecuali melalui kelulusan khas Kementerian Dalam Negeri (KDN);
- iv. Hanya majikan dan wakil majikan yang sah dibenarkan mengemukakan permohonan lanjutan;
- v. Lanjutan PLKS ini hanya dibenarkan secara dalam talian melalui ePLKS atau MyEG dan
- vi. Pertimbangan pelanjutan PLKS tertakluk kepada prosedur pengajian pekerja asing yang berkuatkuasa.

JIM menggesa supaya semua majikan mengambil peluang melalui keputusan Kerajaan ini untuk memperbaharui PLKS pekerja masing-masing. Majikan boleh mendapatkan keterangan lanjut mengenai pelanjutan tempoh pengajian bagi pekerja PLKS di bawah Program Rehiring ini di laman sesawang JIM di pautan www.imi.gov.my.